



RJEŠENJE PO ŽALBI

Strana:
1 od 2

Broj: 0602-03-1753/17
Sarajevo, ~~05-06-2017~~ godine

Na osnovu čl. 100. stav 3. Zakona o javnim nabavkama Bosne i Hercegovine (Službeni glasnik BiH br. 39/14, i čl. 46. Statuta i KJKP "Sarajevogas" d.o.o. Sarajevo, a povodom žalbe UNIS – „FAGAS“ Fabrika gasnih aparata d.o.o., Sarajevo na Odluku o rezultatima okončanog postupka javne nabavke i izboru najpovoljnijeg ponuđača broj 0602-03-1641/17 od 24.05.2017. zaprimljena na protokol Ugovornog organa 31.05.2017. godine, direktor Preduzeća donosi:

RJEŠENJE

I

Usvaja se žalba UNIS – „FAGAS“ Fabrika gasnih aparata d.o.o., Rajlovačka bb, Sarajevo, te se Odluka o rezultatima okončanog postupka javne nabavke i izboru najpovoljnijeg ponuđača broj 0602-03-1641/17 od 24.05.2017. godine **stavlja van snage.**

II

Nakon ponovnog razmatranja ponuda, ocijenjeno je da je najpovoljniji ponuđač UNIS – „FAGAS“ Fabrika gasnih aparata d.o.o., Rajlovačka bb, 71000 Sarajevo, budući da je u Zapisniku sa pregleda i ocjene ponuda broj ZP-OJ06-TD-05-01/17-01 od 22.05.2017. godine, a na osnovu kojeg je donesena Odluka 0602-03-1641/17 iz člana I ovog rješenja, bio drugorangirani ponuđač.

Obrazloženje

Na Odluku o rezultatima okončanog postupka javne nabavke i izboru najpovoljnijeg ponuđača broj 0602-03-1641/17 od 24.05.2017. godine, a koja se odnosi na izbor ponuđača za nabavku mjerača gasa (od G 2,5 do G 25) po provedenom postupku javne nabavke broj TD-05-09/17, UNIS – „FAGAS“ Fabrika gasnih aparata d.o.o., Sarajevo, je Ugovornom organu uložio blagovremenu, dopuštenu i od ovlaštenog lica izjavljenu žalbu.

Podnosilac Žalbe u Žalbi navodi:

1. Ponuda izabranog ponuđača IKOM d.o.o. nije u skladu sa zahtjevima iz tenderske dokumentacije što je stručno osoblje Žalioca utvrdilo uvidom u ponudu izabranog ponuđača IKOM d.o.o.
Žalitelj navodi da je izabrani ponuđač IKOM d.o.o. na stranicama 31., 32., 33. i 34. svoje ponude ponudio mjerače UG T G2,5 cikličnog volumena 1,15 dm³ a tenderskom dokumentacijom je za mjerače BK-G 2,5 zahtijevan volumen 1,2 dm³. Te da je mjerače UG T G4 ponudio sa cikličnim volumenom u dijapazonu od 1,15 i 1,9 dm³ a tenderskom dokumentacijom je za mjerila BK-G4 zahtijevan volumen od 2dm³.
Žalitelj navodi da je izabrani ponuđač ponudio robu koja nije u skladu sa traženim tehničkim karakteristikama, te da je zbog toga morao biti eliminiran iz nadmetanja.
Žalitelj ističe da je izabrani ponuđač izjavio da je proizvođač ponuđenih mjerača Apator Metrix S.A.
Nadalje, na proizvođačevoj stranici u objavljenom katalogu je jasno da ponuđeni proizvodi ne ispunjavaju osnovni tehnički uslov zahtijevan tenderskom dokumentacijom – da mjerači protoka gasa sa mijehom veličine G2,5 i G4 moraju da imaju temperaturnu kompenzaciju i veličinu mjeha od 1,2 l za G2,5, odnosno 2 l za G4.
Mjerači koje je ponudio izabrani ponuđač IKOM d.o.o. imaju manji volumen, odnosno mjerač G2,5 sa temperaturnom kompenzacijom ima volumen od 1,15 l, a mjerač G4 ima volumen od 1,9 l te su manji od zahtijevanog volumena.
Žalitelj također navodi da izabrani ponuđač IKOM d.o.o. nudi proizvode koje je nemoguće ispitati, te u vezi s tim navodi potencijalne dodatne troškove koje bi Ugovorni organ mogao imati zbog troškova podešavanja parametara postojećeg softvera za ispitivanje mjerača, odnosno da ponuda izabranog ponuđača IKOM d.o.o. sadrži skrivene troškove.

Razmatrajući navode Žalbe Ugovorni organ je ocijenio da je žalba u navodu pod 1. osnovana, jer je ponovnim uvidom u ponudu IKOM d.o.o., utvrdio da su navodi Žalioca koji se odnose na ciklične volumene ponuđenih mjerača tačni, odnosno da ponuđeni mjerači ne zadovoljavaju zahtjeve iz tenderske dokumentacije.



RJEŠENJE PO ŽALBI

Strana:
2 od 2

Imajući u vidu navedeno obrazloženje koje se odnosi na navode Žalbe, a što prilikom prvobitnog pregleda ponuda nije uočeno, Ugovorni organ smatra da su navodi Žalitelja u Žalbi osnovani, te je ponuda ponuđača IKOM d.o.o. Livno u skladu sa odredbama člana 68. stav (4) pod i) odbačena jer ne ispunjava zahtjeve iz tenderske dokumentacije, a odlučeno je kao u tački I i II dispozitiva ovog Rješenja, pa je ponuđač UNIS – „FAGAS“ Fabrika gasnih aparata d.o.o., Rajlovačka bb, Sarajevo, kao drugorangirani ponuđač po osnovu prvobitnog pregleda i ocjene ponuda, proglašen najuspješnijim ponuđačem kojem će se ponuditi potpisivanje ugovora za nabavku mjerača gasa (od G 2,5 do G 25).

Pouka o pravnom lijeku:

Protiv ovog Rješenja može se uložiti žalba u roku od 5 (pet) dana od dana prijema ovog rješenja. Žalba se podnosi Uredu za razmatranje žalbi putem Ugovornog organa.



Direktor Preduzeća:

Mr. sc. Nibada Glamoč, dipl.maš.ing.

Dostaviti:

1. Podnosiocu Žalbe,
2. Učesnicima nadmetanja,
3. Sektor Ekonomike,
4. a/a.